

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
GRAD TUZLA  
**Služba civilne zaštite**

**PROGRAM RAZVOJA  
ZAŠTITE OD POŽARA I VATROGASTVA U GRADU TUZLI  
ZA PERIOD 2026 – 2031. GODINA**

Tuzla, mart 2026. godine

## **PROGRAM RAZVOJA ZAŠTITE OD POŽARA I VATROGASTVA U GRADU TUZLI ZA PERIOD 2026 – 2031. GODINA**

### **I. Uvod**

Zaštita od požara i vatrogastvo čine sastavni dio jedinstvenog sistema zaštite i spašavanja ljudi i materijalnih dobara od prirodnih nepogoda i drugih nesreća koji je u Federaciji BiH uređen Zakonom o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", broj: 39/03, 22/06 i 43/10), te se zaštita od požara i vatrogastvo organiziraju i funkcioniraju u okviru tog sistema, a vrše na način utvrđen Zakonom o zaštiti od požara i vatrogastvu ("Službene novine Federacije BiH", broj: 64/09 i 77/25) (u daljem tekstu: Zakon o zaštiti od požara i vatrogastvu).

Shodno odredbama člana 19. Zakona o zaštiti od požara i vatrogastvu, programiranje razvoja zaštite od požara i vatrogastva iz nadležnosti grada Tuzle vrši se u okviru Programa zaštite i spašavanja ljudi i materijalnih dobara od prirodnih i drugih nesreća u gradu Tuzli. To programiranje se vrši u skladu sa Procjenom ugroženosti od požara i Planom zaštite od požara za područje grada Tuzle i drugih činjenica važnih za programiranje, na period od najmanje pet godina.

Opći cilj Programa razvoja zaštite od požara i vatrogastva u gradu Tuzli za period 2026 - 2031. godina je unapređenje zaštite od požara preventivnim djelovanjem kroz poduzimanje odgovarajućih aktivnosti i primjenu neophodnih mjera, te stvaranju uvjeta za pružanje kvalitetnog odgovora u slučaju nastanka i širenja požara.

Ovim Programom utvrđuje se:

1. Politika razvoja zaštite od požara i vatrogastva na području grada Tuzle
2. Strategija razvoja zaštite od požara i vatrogastva na području grada Tuzle
3. Akcioni planovi realizacije strateških ciljeva za period 2026 - 2031. godina koji obuhvataju:
  - viziju razvoja,
  - načela i opredjeljenja Grada Tuzle po pitanju razvoja zaštite od požara i vatrogastva, te
  - ciljeve i područja razvoja za planirani razvojni period.

### **II. Politika razvoja zaštite od požara i vatrogastva na području grada Tuzle**

Za politiku razvoja zaštite od požara i vatrogastva grada Tuzle osnove predstavljaju:

- procjena ugroženosti od požara na području grada Tuzle,
- trenutno stanje u ovoj oblasti, te
- zakonom utvrđeni operativni i drugi poslovi Profesionalne vatrogasne jedinice Tuzla, kao osnovne operativne snage zaštite i spašavanja.

Naime, osnovni zadaci Profesionalne vatrogasne jedinice Tuzla su da:

- gasi požar,
- pruža tehničku pomoć u spašavanju ljudi u nezgodama izazvanim u saobraćaju (cestovni, željeznički, zračni, jezerski i riječni), poplavama, spašavanju sa visina i dr.,

- učestvuje u provođenju preventivnih mjera zaštite od požara i eksplozija,
- pruža pomoć u spašavanju ljudi i materijalnih dobara kod postojanja stanja prirodne ili druge nesreće.

Politika razvoja zaštite od požara i vatrogastva grada Tuzle upravo je i utemeljena na razvoju kapaciteta (ljudskih i materijalnih) za adekvatan odgovor vatrogasnih snaga, prije svega Profesionalne vatrogasne jedinice Tuzla, dobrovoljnih vatrogasnih jedinica - DVD i vatrogasnih jedinica pravnih lica, kao dopunskih snaga za vatrogastvo, službi zaštite i spašavanja, specijaliziranih jedinica civilne zaštite, Službe civilne zaštite, Gradskog štaba civilne zaštite, Operativnog centra civilne zaštite, u zadacima koji su im stavljeni u nadležnost.

Politika razvoja zaštite od požara i vatrogastva u ovom razvojnem periodu osigurat će provođenje zakonskih mjera i aktivnosti:

- za ispunjavanje uslova za izvođenje specifičnih vatrogasnih intervencija, kao što su: spašavanje na vodi (evakuacija u slučaju poplava), spašavanju s visina, tehnička pomoć u spašavanju ljudi u saobraćajnim nesrećama i dr. ,
- za ispunjavanje uslova gašenje šumskih i drugih požara na otvorenom prostoru i druge aktivnosti, u skladu sa Zakonom.

Da bi se navedeno i postiglo, politika Grada Tuzle je usmjerena na jačanje:

- kapaciteta Profesionalne vatrogasne jedinice,
- dobrovoljnih vatrogasnih jedinica kako postojećih - DVD „Tuzla“ i DVD „Gornja Tuzla“,

i na taj način stvaranja uslova za:

- potpunu pokrivenost cijelog područja grada,
- povećanje brzine reakcije vatrogasnih snaga, i
- smanjenja posljedica po život i zdravlje ljudi od navedenih opasnosti.

Politika razvoja zaštite od požara i vatrogastva u gradu Tuzli usmjerit će se na unapređenje u ovoj oblasti kroz usaglašavanje sa politikom razvoja viših nivoa vlasti, a u cilju preuzimanja dobrih praksi i usmjerenja iz iskustava EU u ovoj oblasti.

### **III. Strategija razvoja zaštite od požara i vatrogastva na području grada Tuzle**

Strategija je usmjerena na stvaranje novih i unapređenje postojećih uslova u cilju sprječavanja izbijanja i širenja požara, njegovog otkrivanja, te zaštite ljudi, biljnog i životinjskog svijeta, materijalnih, istorijskih i drugih dobara i okoliša na bazi dugoročnog unapređenja zaštite od požara.

Područja u kojima Strategija treba ostvariti organizaciono-tehničke ciljeve zaštite od požara su:

- normativna regulativa,
- preventivna zaštita,
- organizacijske mjere,
- saradnja svih subjekata u sistemu zaštite od požara,
- sagledavanje kapaciteta u znanju, vještinama i potrebnoj opremljenosti i edukacija stanovništva.

Strategija razvoja zaštite od požara i vatrogastva za tekući planski period, ostvarivat će se kroz definisane strateške ciljeve, i to:

- Strateški cilj 1. Usklađivanje organizaciono-planskih dokumenata sa stanjem zaštite od požara, praćenje izvršenja planskih dokumenata i ispunjavanje propisanih obaveza;
- Strateški cilj 2. Unapređenje sistema preventivne zaštite;
- Strateški cilj 3. Razvoj i jačanje svih komponenti vatrogastva;
- Strateški cilj 4. Povećanje brzine i efikasnosti reagovanja;
- Strateški cilj 5. Unapređenje saradnje;
- Strateški cilj 6. Obučavanje i tehnička opremljenost subjekata zaštite od požara i vatrogastva;
- Strateški cilj 7. Edukacija stanovništva.

Navedeni strateški ciljevi, posebno se obrađuju kroz akcione planove koji su dati u poglavlju IV ovoga Programa.

#### **IV. Akcioni plan realizacije strateških ciljeva za period 2026 - 2031. godina**

Akcioni plan razvoja prikazan u ovom dokumentu, okrenut je razvoju, odnosno onim razvojnim aktivnostima zaštite od požara i vatrogastva koje će imati direktan uticaj na smanjenja opasnosti od požara i eksplozija na području grada Tuzle. Ovaj akcioni plan sadrži:

- a) Područja razvoja planirani razvojni period, koja su utvrđena u odnosu na potrebe koje proizilaze iz zakonskih obaveza grada, i koja obuhvataju:
  - Gašenje požara (požare otvorenog prostora, šumske požare, požare na građevinama),
  - Pružanje tehničke podrške u saobraćajnim nesrećama, poplavama, spašavanja s visina,
  - Provođenje preventivnih mjera iz Plana zaštite od požara,
  - Pomoć u spašavanju ljudi i imovine u slučaju nastanka prirodne ili druge nesreće;
- b) Viziju razvoja zaštite od požara i vatrogastva, koja će se u skladu sa politikom razvoja zaštite od požara i vatrogastva u gradu Tuzli usmjeriti na unapređenje u ovoj oblasti kroz usaglašavanje sa politikom razvoja viših nivoa vlasti, sve u cilju preuzimanja dobrih praksi i usmjerenja iz iskustava EU u ovoj oblasti.
- c) Načela i opredjeljenja Grada Tuzle po pitanju razvoja zaštite od požara i vatrogastva, uključujući načelo zaštite, načelo prevencije, načelo stalnosti, načelo jačanja svijesti, načelo javnosti, načelo saradnje, načelo solidarnosti i načelo odgovornosti.
- d) Strateške ciljeve po prioritetima i u određenom vremenskom okviru, koji su međusobno oslonjeni jedan na drugi, s tim da su svi podjednako važni u širem kontekstu i potiču sveobuhvatan razvoj elemenata zaštite od požara i vatrogastva.

#### ***Normativna regulativa***

#### **Cilj 1. Usklađivanje organizaciono-planskih dokumenata sa stanjem zaštite od požara, praćenje izvršenja planskih dokumenata i ispunjavanje propisanih obaveza**

Propisi iz oblasti zaštite od požara i vatrogastva koji je dužan primjenjivati grad Tuzla kao jedinica lokalne zajednice su Zakon o zaštiti od požara i vatrogastvu, Zakon o zaštiti od

požara i vatrogastvu na području Tuzlanskog kantona ("Službene novine Tuzlanskog kantona", broj: 1/12 i 3/16), podzakonski akti doneseni na osnovu navedenih Zakona i Odluka o organiziranju i funkcioniranju zaštite od požara i vatrogastva ("Službeni glasnik Općine Tuzla", broj: 3/12).

Programiranje razvoja zaštite od požara i vatrogastva iz nadležnosti grada Tuzle vrši se u okviru Programa zaštite i spašavanja ljudi i materijalnih dobara od prirodnih i drugih nesreća u gradu Tuzli, u skladu sa Procjenom ugroženosti od požara i Planom zaštite od požara za područje grada Tuzle i drugih činjenica važnih za programiranje, na period od najmanje pet godina.

U cilju praćenja izvršenja Plana zaštite od požara grada Tuzle, Gradsko vijeće svake godine treba da do kraja februara razmatra i ocjenjuje njegovu realizaciju i vrši odgovarajuće izmjene sa novonastalim promjenama koje su važne za zaštitu od požara, kao što su urbanističke i građevinske promjene, kao i promjene namjene građevina i slično i utvrđuje mjere za njegovu potpunu realizaciju, a posebno mjere koje se odnose na osiguravanje neophodnih finansijskih sredstava za realizaciju planiranih zadataka.

Sve izmjene i dopune plana trebaju ići u pravcu da se obuhvate sve mjere zaštite od požara koje mogu uticati na sprječavanje nastanka požara ili eksplozije i da postoje uslovi za njihovu realizaciju (kadrovski, materijalni i drugi), kao i na otklanjanje smetnji koje su onemogućavale realizaciju svih planiranih mjera zaštite od požara.

Profesionalna vatrogasna jedinica Grada Tuzle izrađuju taktičko - operativne planove gašenja požara i spašavanja ljudi i materijalnih dobara. Taktičko - operativni planovi gašenja požara i spašavanja ljudi i materijalnih dobara izrađuju se za objekte razvrstane u kategorije građevina visokih i srednjih zahtjeva sa aspekta požarne ugroženosti (PU1 i PU2).

### ***Preventivna zaštita***

## **Cilj 2. Unapređenje sistema preventivne zaštite**

Uspostavljanje sistema zaštite od požara koji se prevashodno zasniva na preventivnom djelovanju svih građana i institucija i nadzoru državnih organa vlasti u oblasti zaštite od požara je prioritetan cilj.

Zakonom o zaštiti od požara i vatrogastvu utvrđena je obaveza organa jedinice lokalne samouprave, državnih organa, pravnih lica i drugih subjekata, da obezbjede provođenje mjera zaštite od požara i nadzor nad njihovim provođenjem, donošenjem pravilnika zaštite od požara, procjene ugroženosti od požara i plana zaštite od požara, za građevine koje su na osnovu Pravilnika o uvjetima, osnovama i kriterijima za razvrstavanje građevina u kategorije ugroženosti od požara („Službene novine Federacije BiH“, broj: 79/11) razvrstane u kategoriju požarne ugroženosti PU1 i PU2, što podrazumijeva visoko zahtjevne građevine i srednje zahtjevne građevine.

### *1) Mjere zaštite od požara u oblasti prostornog planiranja*

Pri izradi dokumenata prostornog uređenja: Prostornog plana Grada Tuzle, urbanističkih planova, regulacionih planova i urbanističkih projekata, u skladu sa obimom i vrstom planskog dokumenta planiraju se prostorne i tehničke mjere zaštite od požara, a naročito:

- uslovi za efikasno spašavanje ljudi, životinja i materijalnih dobara,
- potrebni razmaci ili protivpožarna udaljenost između objekata,
- vatrogasni prilazi i površine za manipulativni rad,
- obezbjeđenje dovoljnih količina vode za gašenje požara,
- primjena odgovarajućih materijala koji ne mogu biti uzročnici nastanka i prenosa požara.

## *2) Preventivne mjere koje se provode pri projektovanju i gradnji građevina*

Pri projektovanju i gradnji građevina i ugradnji priključaka, opreme, uređaja i postrojenja, kao i njihovoj proizvodnji, moraju se predvidjeti i primjeniti mjere zaštite od požara koje će omogućiti

- smanjenje mogućnosti nastanka požara;
- pravovremeno otkrivanje i obavještanje o požaru;
- efikasno spašavanje ljudi, životinja i materijalnih dobara (u građevini i izvan građevine);
- ograničavanje širenja vatre i dima;
- efikasno gašenje požara;
- osiguranje saobraćajnih i manipulativnih površina za interventna vozila.

Projekat za izgradnju obavezno sarži i elaborat zaštite od požara u kojem se razrađuju pobrojane mjere i mjere sadržane u planskom dokumentu za pojedine građevine.

## *3) Održavanje instalacija:*

Vlasnici i korisnici građevina i prostora, te upravitelji stambenih objekata, dužni su održavati u ispravnom stanju postrojenja, uređaje, električne, gasne, ventilacijske, dimovodne i druge instalacije koje mogu pruzrokovati nastajanje i širenje požara, u skladu sa tehničkim normativima i uputstvima proizvođača, koji se odnose na ta pitanja o čemu moraju voditi evidenciju i posjedovati odgovarajuću dokumentaciju.

## *4) Instalisanje sistema aktivne zaštite od požara:*

Osnovna karakteristika aktivnih sistema zaštite od požara je da samostalno djeluju u slučaju pojave opasnosti. Aktivni protiv-požarni sistemi najčešće se sastoje od sistema za detekciju, sistema za gašenje požara i alarmnog sistema.

## *5) Izgradnja izvora i instalacija za opskrbu vodom za gašenje požara:*

Za gašenje požara potrebno je osigurati minimalne potrebne količine vode i pritisak u hidrantskoj mreži, u skladu sa važećim propisima.

Također je potrebno izvršiti rekonstrukciju odnosno dogradnju sistema vanjske hidrantske mreže, u skladu sa Planom zaštite od požara za područje Grada Tuzla.

Određeni broj vodotoka i akumulacija, što prirodnih, što vještačkih, potrebno je urediti kako bi se oni mogli koristiti za crpljenje vode upotrebom skupne vatrogasne opreme.

## *6) Mjere u vezi s loženjem vatre i spaljivanjem korova i drugog biljnog otpada na otvorenom prostoru*

U cilju sprovođenja ove preventivne mjere potrebno je organizirati savjetodavne sastanke za sve sudionike i obveznike provođenja zaštite od požara, prvenstveno s vlasnicima šumskih površina, preduzećima koja gazduju šumama u državnom vlasništvu, vlasnicima i korisnicima poljoprivrednog zemljišta, stanovnicima naselja seoskog karaktera koji se pretežno bave poljoprivrednom djelatnošću, sa šumarskim i poljoprivrednim inspektorima, te inspektorima zaštite od požara, sve u cilju poduzimanja potrebnih mjera, kako bi se opasnost od nastajanja i širenja požara smanjila na najmanju moguću mjeru.

## ***Organizacione mjere***

### **Cilj 3. Razvoj i jačanje svih komponenti vatrogastva**

Osnovna vatrogasna snaga na području grada Tuzle je Profesionalna vatrogasna jedinica Tuzla koja ima 72 pripadnika a rad u jedinici je organizovan u četiri smjene. Broj vatrogasaca u vatrogasnoj jedinici je najmanje 76 odnosno 19 po smjeni. Formiranje potrebnog broja vatrogasaca uvećava se za starješinu, zamjenika starješine jedinice, kontrolora za provođenje mjera zaštite od požara i zaštite na radu, starješine vatrogasnih ispostava „Centar“ i „Kreka“, vatrogasca-automehaničara i vatrogasca-servisera aparata za gašenje početnih požara i izolacionih aparata. Prema tome, Profesionalna vatrogasna jedinica grada Tuzla treba da broji najmanje 82 vatrogasaca (vatrogasna četa sa dva voda).

Profesionalna vatrogasna jedinica Tuzla vrši sljedeće operativne i druge poslove:

- 1) gašenje požara i spašavanje ljudi i materijalnih dobara ugroženih požarom i eksplozijom na otvorenom prostoru, šumske požare, požare na građevinama i materijalnim dobrima svih vlasnika i korisnika gdje se god požar pojavi;
- 2) pružanje tehničke pomoći u spašavanju ljudi u nezgodama izazvanih u saobraćaju, poplavama, spašavanju sa visina i drugim akcidentnim situacijama i nesrećama ;
- 3) učestvuje u provođenju određenih preventivnih mjera;
- 4) pružanje odgovarajuće pomoći u spašavanju ljudi i materijalnih dobara kod postojanja prirodne i druge nesreće.

Radi boljeg pokrivanja područja djelovanja smještena je u dvije vatrogasne ispostave „Centar i „Kreka“, obje formacijskog oblika vatrogasnog voda.

Odredbom člana 2. Pravilnika o uvjetima koje moraju ispunjavati objekti za smještaj profesionalnih i dobrovoljnih vatrogasnih jedinica i vatrogasnih jedinica pravnih lica i minimum materijalno-tehničkih sredstava potrebnih za održavanje opreme i sredstava tih jedinica („Službene novine Federacije BiH“, broj: 107/12), propisano je da profesionalne i dobrovoljne vatrogasne jedinice i vatrogasne jedinice pravnih lica u pravilu trebaju imati zasebne objekte-vatrogasne domove za smještaj vatrogasnih vozila, opreme uređaja i sredstava i boravak pripadnika vatrogasnih jedinica za vrijeme obavljanja poslova iz nadležnosti vatrogasne jedinice.

Pored navedenog vatrogasni objekti treba da obezbijede:

- normalan rad i funkcionisanje vatrogasne jedinice,
- najoptimalnije vrijeme za vatrogasnu intervenciju, na način da budu locirani u zoni odgovornosti vatrogasne jedinice,
- da vatrogasna vozila iz garažnog prostora mogu direktno i slobodno pristupiti saobraćajnici,
- nesmetano manevrisanje vatrogasnih vozila u krugu vatrogasnog objekta.

Dopunske snage za vatrogastvo na području Grada Tuzla su:

- Dobrovoljna vatrogasna jedinica, Dobrovoljnog vatrogasnog društva „Tuzla“, formacije vatrogasnog odjeljenja, za obavljanje operativnih poslova gašenje požara, spašavanje ljudi i materijalnih dobara ugroženih požarom i eksplozijom, i
- Dobrovoljna vatrogasna jedinica, Dobrovoljnog vatrogasnog društva „Gornja Tuzla“, formacije vatrogasnog odjeljenja, za obavljanje operativnih poslova gašenje požara, spašavanje ljudi i materijalnih dobara ugroženih požarom i eksplozijom.

Dopunske snage za vatrogastvo osposobljavaju se za gašenje požara i zaštitu od požara, u pravilu, na šumama i šumskom zemljištu, na poljoprivrednim površinama, stambenim, privrednim i javnim objektima i prevoznim sredstvima i pomoć stanovništvu u poplavama.

Neophodno je pružiti pomoć vatrogasnim društvima po pitanju ispunjavanja kadrovskih, materijalnih i drugih uslova koji su potrebni za rad dobrovoljne vatrogasne jedinice, što se rješava u dogovoru sa Službom civilne zaštite.

#### **Cilj 4. Povećanje brzine i efikasnosti reagovanja**

Da bi se ostvario ovaj strateški cilj, potrebno je:

- Kontinuirano obučavanje vatrogasnih snaga (PVJ, DVD na području grada Tuzle, vatrogasne jedinice pravnih lica),
- Provođenje preventivnih mjera zaštite od požara u skladu sa Prostornim planom grada Tuzle i drugim prostorno planskim dokumentima,
- Opremanje Profesionalne vatrogasne jedinice Tuzla materijalno – tehničkim sredstvima i opremom (vatrogasna vozila prema namjeni, vozila za gašenje požara, vozila za spašavanje s visina, tehničke intervencije, lična oprema i dr.),
- Raspored vatrogasnih ispostava,
- Opremanje sistemom radio veze vatrogasaca, dispečerskog centra PVJ, Operativnog centra CZ i Gradskog štaba CZ (digitalna),
- Popuna lične formacije Profesionalne vatrogasne jedinice Tuzla, dobrovoljnih vatrogasnih jedinica i vatrogasnih jedinica pravnih lica.

#### ***Saradnja svih faktora u sistemu zaštite od požara i vatrogastva***

#### **Cilj 5. Unapređenje saradnje svih faktora u sistemu zaštite od požara i vatrogastva**

Saradnja na području zaštite od požara i vatrogastva neminovna je ne samo u svom praktičnom dijelu - gašenju požara, već i radi uspostave potrebnih struktura, zajedničkog planiranja mjera i postupaka u zaštiti od požara, pružanja materijalno-tehničke pomoći, izgradnje sistema za razmjenu informacija, stvaranje uslova za hitno reagovanje i zajedničko djelovanje, te obučavanje, osposobljavanje i uvježbavanje organiziranih snaga prema međunarodnim standardima.

Sporazumom o saradnji u ostvarivanju zadataka civilne zaštite („Službene novine Federacije BiH“, broj: 36/01) koji je sklopljen između Federalne uprave civilne zaštite i Republičke uprave civilne zaštite Republike Srpske uređen je način postupanja i ostvarivanja mogućnosti zajedničkog djelovanja na poslovima zaštite i spašavanja.

Sporazumom o međusobnoj suradnji i pružanju uzajamne pomoći u oblasti zaštite i spašavanja („Službene novine Tuzlanskog kantona“, broj: 1/24) zaključenim između Kantonalna uprave civilne zaštite Tuzlanskog kantona i gradova i općina Tuzlanskog kantona (Banovići, Čelić, Doboj Istok, Gračanica, Gradačac, Kalesija, Kladanj, Lukavac, Sapna, Srebrenik, Teočak, Tuzla i Živinice) strane potpisnice iskazuju opredjeljenje da u skladu sa propisanim nadležnostima, uspostave jasnu, efikasnu i uspješnu međusobnu suradnju u oblasti zaštite i spašavanja ljudi, materijalnih i drugih dobara od prirodnih, tehničko-tehnoloških i drugih nesreća, prije proglašenja stanja prirodne ili druge nesreće

I pored do sada ostvarene saradnje potrebno je raditi na uspostavljanju intenzivnijih odnosa sa svim subjektima u okruženju i na međunarodnom nivou radi stalne razmjene iskustava i ukazivanje na najbolja praktična iskustva, organizovanja raznih edukacija, kurseva, praktičnih vježbi i treninga, razvijanje regionalnih programa i slično.

## ***Kapaciteti u znanju, vještinama i potrebnoj opremljenosti i edukacija stanovništva***

### **Cilj 6. Obučavanje i tehnička opremljenost subjekata zaštite od požara i vatrogastva**

#### *Obučavanje:*

Potrebno je provesti odgovarajuću edukaciju i treninge, kao i vježbe simulacije za sve subjekte u sistemu zaštite od požara.

Ovu aktivnost je potrebno voditi u tri pravca:

- osposobljavanje Profesionalne vatrogasne jedinice Tuzla, kao osnovne snage za obavljanje vatrogasne djelatnosti,
- osposobljavanje dobrovoljnih vatrogasnih jedinica Dobrovoljnih vatrogasnih društava „Tuzla“ i „Gornja Tuzla“, kao dopunskih snaga vatrogasne djelatnosti,
- obučavanje Jedinica civilne zaštite, Službi zaštite i spašavanja, Službe civilne zaštite i Gradskog štaba civilne zaštite Tuzla.

#### *Tehnička opremljenost subjekata zaštite od požara:*

Složenost i ozbiljnost različitih intervencija vatrogasnih jedinica ukazuju na to da je njihova spremnost i opremljenost za brzo i adekvatno reagovanje primarna pretpostavka uspješnosti u zaštiti i spašavanju ljudi i materijalnih dobara, a pogotovu u slučajevima gašenja požara većih razmjera i saniranja njihovih posljedica.

Planom zaštite od požara za područje grada Tuzle i Pravilnikom o minimumu tehničke opreme i sredstava i rok korištenja te opreme i sredstava za profesionalne i druge vatrogasne jedinice ("Službene novine Federacije BiH", broj: 104/12), propisana je formacija i sredstva i oprema koja je neophodna za uspješno djelovanje Profesionalne vatrogasne jedinice Tuzla i dobrovoljnih vatrogasnih jedinica Dobrovoljnog vatrogasnog društva „Tuzla“ i „Gornja Tuzla“.

Pored skupne opreme potrebno je obezbjediti i obnavljati i ličnu i zajedničku zaštitnu opremu za vatrogasce koja mora zadovoljiti zahtjeve i uvjete propisane Uredbom o uniformi, nazivima funkcija i funkcionalnim oznakama vatrogasaca u profesionalnim i dobrovoljnim vatrogasnim jedinicama, ovlaštenja starješina tih jedinica, zaštitnoj i radnoj odjeći i opremi vatrogasaca ("Službene novine Federacije BiH", broj: 8/11).

Shodno odredbama Zakona o zaštiti od požara i vatrogastvu, u nadležnost grada spada obaveza osiguranja kadrovskih, materijalnih, tehničkih i drugih potreba za efikasno funkcionisanje vatrogastva.

Potrebno je intenzivirati rad na kadrovskoj potpunosti i opremljenosti vatrogasnih jedinica koje djeluju na području grada Tuzle i osposobljavanju njihovih pripadnika.

### **Cilj 7. Edukacija stanovništva**

Definisanje programa i izvođenje obuke stanovništva, zaposlenih u državnoj upravi, tijelima lokalne samouprave, pravnim licima, učenika u osnovnim i srednjim školama, presudno je za provođenje preventivnih mjera zaštite od požara, gašenje požara i spašavanje ljudi i materijalnih dobara ugroženih požarom.

Neophodno je, dakle, kontinuirano provoditi obuku stanovništva i drugih struktura društva putem seminara, prezentacija i vježbi, a posebnu pažnju posvetiti ranjivim kategorijama društva poput djece i starijih osoba. Također treba iznaći mogućnost štampanja letaka za građane koji bi sadržavali uputstva o načinu ponašanja u slučaju požara i drugih nesreća, koji bi uz kućni red, bili obavezan sadržaj u svakoj zgradi.

Potrebno je provesti odgovarajuću edukaciju i treninge, kao i vježbe simulacije za sve subjekte u sistemu zaštite od požara.

U ovom planskom periodu ovu aktivnost je potrebno voditi u dva pravca i to:

- 1) Osposobljavanje osnovnih snaga za obavljanje vatrogasne djelatnosti:
  - kontinuirano osposobljavanje pripadnika Profesionalne vatrogasne jedinice Tuzla,
- 2) Osposobljavanje dopunskih snaga za vatrogastvo:
  - osposobljavanje pripadnika dobrovoljnih vatrogasnih jedinica Dobrovoljnih vatrogasnih društava „Tuzla“ i „Gornja Tuzla“,
  - obučavanje pripadnika jedinica civilne zaštite i službi zaštite i spašavanja, Službe civilne zaštite i Gradskog štaba civilne zaštite.

**Tabela 1. Akcioni plan**

Aktivnosti	Nosioci	Vremenski rok	Finansiranje	Mogući izvori sredstava	Napomena
1	2	3	4	5	6
<p><b>Cilj 1.</b>  <b>Usklađivanje organizaciono-planskih dokumenata sa stanjem zaštite od požara, praćenje izvršenja planskih dokumenata i ispunjavanje propisanih obaveza:</b></p> <p>-analiza, ažuriranje i usklađivanje procjene ugroženosti od požara i plana zaštite od požara za područje grada Tuzle</p> <p>-praćenje izvršenja Plana zaštite od požara grada Tuzle</p> <p>-izrada taktičko-operativnih planova gašenja požara</p>	<p>-Služba civilne zaštite</p> <p>-Služba civilne zaštite</p> <p>-Profesionalna vatrogasna jedinica Tuzla</p>	<p>--najmanje jednom godišnje u zavisnosti od nastalih promjena</p> <p>-svake godine do kraja februara tekuće godine</p>			<p>-tačka 20. i 22. Metodologije<sup>1</sup></p> <p>-član 68. Uredbe<sup>2</sup></p> <p>-član 22. Zakona o zaštiti od požara i vatrogastvu</p> <p>-prema Planu zaštite od požara za područje grada Tuzle</p>
<p><b>Cilj 2.</b>  <b>Unapređenje sistema preventivne zaštite:</b></p> <p>-mjere zaštite od požara u oblasti prostornog planiranja,</p>	<p>-Služba za prostorno uređenje i zaštitu okoline i UO Zavod za urbanizam</p>	<p>-kontinuirano</p>			

<sup>1</sup> Metodologija za izradu procjene ugroženosti od požara ("Službene novine Federacije BiH", broj: 8/11)

<sup>2</sup> Uredba o sadržaju i načinu izrade planova zaštite i spašavanja od prirodnih i drugih nesreća i planova zaštite od požara ("Službene novine F BiH", broj: 8/11)

Aktivnosti	Nosioci	Vremenski rok	Finansiranje	Mogući izvori sredstava	Napomena
1	2	3	4	5	6
<p>-preventivne mjere koje se provode pri projektovanju i gradnji građevina,</p> <p>-održavanje instalacija u građevinama, -instalisanje sistema aktivne zaštite od požara,</p> <p>-izgradnja i održavanje javne vanjske hidrantske mreže,</p> <p>-mjere u vezi s paljenjem vatre na otvorenom prostoru i spaljivanjem korova i drugog biljnog otpada,</p> <p>-nabavka i održavanje unutrašnje i vanjske hidrantske mreže i aparata za početno gašenje požara</p>	<p>-projektant, Služba za prostorno uređenje i zaštitu okoline</p> <p>-vlasnici, korisnici i upravitelji</p> <p>-JKP „Vodovod i kanalizacija“ d.o.o. Tuzla</p> <p>-Služba civilne zaštite, nadležna inspekcija</p> <p>-vlasnici, korisnici i upravitelji građevina</p>	<p>-kontinuirano</p> <p>-u skladu sa propisima i vlastitim procjenama stanja zaštite od požara i procjene ugroženosti od požara</p> <p>-kontinuirano</p> <p>- kontinuirano, pojačano u proljeće i ljeto</p> <p>-kontinuirano u skladu sa važećim propisima</p>	<p>-sredstva vlasnika ili korisnika</p> <p>Budžet Grada Tuzle</p> <p>-sredstva vlasnika ili korisnika</p>		<p>-edukacija i upozoravanje stanovništva i vlasnika šumskog i poljoprivrednog zemljišta</p>
<p><b>Cilj 3.</b> <b>Razvoj i jačanje svih komponenti vatrogastva:</b></p> <p>- nabavka materijalno-tehničkih sredstava i opreme za Profesionalnu vatrogasnu jedinicu Tuzla, u skladu sa važećim zakonima i podzakonskim aktima,</p> <p>- nabavka materijalno-tehničkih sredstava i opreme za Mješovitu specijaliziranu jedinicu civilne zaštite za hitne intervencije,</p> <p>- kapitalne investicije izgradnje i opremanja objekta vatrogasne ispostave „Kreka“ sa dodatnim garažama za potrebe Profesionalne vatrogasne jedinice Tuzla</p> <p>-pomoć dobrovoljnim</p>	<p>-Grad Tuzla Služba civilne zaštite</p> <p>-Grad Tuzla Služba civilne zaštite</p> <p>-Grad Tuzla Služba civilne zaštite</p>	<p>-kontinuirano</p> <p>-kontinuirano</p> <p>-kontinuirano</p>	<p>-Budžet Grada Tuzle,</p> <p>-Budžet Grada Tuzle</p> <p>- Budžet Grada Tuzle</p>	<p>- donacijska sredstva međunarodnih organizacija i sredstva EU kroz projekte - viši organi vlasti</p> <p>- donacijska sredstva međunarodnih organizacija i sredstva EU kroz projekte - viši organi vlasti</p>	

Aktivnosti	Nosioci	Vremenski rok	Finansiranje	Mogući izvori sredstava	Napomena
1	2	3	4	5	6
vatrogasnim društvima „Tuzla“ i „Gornja Tuzla“ u nabavci materijalno-tehničkih sredstava i opreme	-Grad Tuzla Služba civilne zaštite	-kontinuirano	-Budžet Grada Tuzle		
<p><b>Cilj 4.</b> <b>Povećanje brzine i efikasnosti reagovanja:</b></p> <p>-izgradnja integriranog sistema radio komunikacija i sistema za oglašavanje i uzbuđivanje građana grada Tuzle (SOUG),</p> <p>-pokretanje aktivnosti na formiranju treće vatrogasne ispostave Profesionalne vatrogasne jedinice Tuzla, u istočnom dijelu grada Tuzle,</p> <p>-popunjavanje lične formacije Profesionalne vatrogasne jedinice Tuzla u skladu sa Planom zaštite od požara grada Tuzle</p>	<p>-Služba civilne zaštite</p> <p>-Grad Tuzla, Služba civilne zaštite</p> <p>-Grad Tuzla, Služba civilne zaštite</p>	<p>-kontinuirano</p> <p>-kontinuirano</p> <p>2026-2031. godina</p>	<p>-Budžet Grada Tuzle</p> <p>-Budžet Grada Tuzle</p> <p>-Budžet Grada Tuzle</p>	-- donacijska sredstva međunarodnih organizacija i sredstva EU kroz projekte - viši organi vlasti	
<p><b>Cilj 5.</b> <b>Unapređenje saradnje:</b></p> <p>-ostvarivanje saradnje sa susjednim općinama i gradovima u pružanju pomoći u gašenju požara i spašavanju ljudi i materijalnih dobara ugroženih požarom,</p> <p>-ostvarivanje saradnje sa susjednim općinama i gradovima u vezi stručnog osposobljavanja i organizovanja zajedničkih vježbi</p> <p>-ostvarivanje saradnje sa regionalnim, međuentitetskim i međunarodnim organizacijama u vezi stručnog osposobljavanja i uvježbavanja na regionalnom, međuentitetskom i međunarodnom nivou</p>	<p>-Služba civilne zaštite</p> <p>-Služba civilne zaštite</p> <p>-Služba civilne zaštite</p>	<p>-kontinuirano</p> <p>-kontinuirano</p> <p>-kontinuirano</p>	<p>-Budžet Grada Tuzle</p> <p>-Budžet Grada Tuzle,</p> <p>-Budžet Grada Tuzle</p>	<p>- donacijska sredstva međunarodnih organizacija i sredstva EU kroz projekte - viši organi vlasti</p> <p>- donacijska sredstva međunarodnih organizacija i sredstva EU kroz projekte - viši organi vlasti</p>	
<p><b>Cilj 6.</b> <b>Obučavanje i tehnička opremljenost subjekata</b></p>					

Aktivnosti	Nosioci	Vremenski rok	Finansiranje	Mogući izvori sredstava	Napomena
1	2	3	4	5	6
<p><b>zaštite od požara i vatrogastva:</b></p> <p>-osposobljavanje osnovnih i dodatnih snaga za obavljanje vatrogasne djelatnosti, odnosno profesionalnih i dobrovoljnih vatrogasnih jedinica,</p> <p>-stručno osposobljavanje pripadnika Profesionalne vatrogasne jedinice Tuzla u provođenju drugih specifičnih mjera zaštite i spašavanja koje su im stavljene u nadležnost, kao što je osposobljavanje vatrogasaca za izvođenje tehničkih intervencija i spašavanju ugroženih lica iz saobraćajnih udesa,</p> <p>-obučavanje i opremanje jedinica civilne zaštite, službi zaštite i spašavanja i Gradskog štaba civilne zaštite, za spašavanje ljudi i materijalnih dobara ugroženih požarom</p>	<p>- Služba civilne zaštite</p> <p>-Profesionalna vatrogasna jedinica Tuzla, viši organi vlasti, međunarodne organizacije</p> <p>-Služba civilne zaštite</p>	<p>-kontinuirano</p> <p>-kontinuirano</p> <p>-kontinuirano</p>	<p>-Budžet Grada Tuzle,</p> <p>-Budžet Grada Tuzle,</p> <p>-Budžet Grada Tuzle,</p>	<p>- donacijska sredstva međunarodnih organizacija i sredstva EU kroz projekte</p> <p>- viši organi vlasti</p> <p>- donacijska sredstva međunarodnih organizacija i sredstva EU kroz projekte</p> <p>- viši organi vlasti</p>	
<p><b>Cilj 7. Edukacija stanovništva:</b></p> <p>-edukacija i provođenje vježbi evakuacije djece predškolskog uzrasta i osoblja u ustanovama predškolskog odgoja,</p> <p>-edukacija i provođenje vježbi evakuacije učenika i nastavnog osoblja u osnovnim i srednjim školama,</p> <p>-obuka stanovništva putem predavanja, prezentacija, vježbi i slično,</p>	<p>-Služba civilne zaštite,</p> <p>-Služba civilne zaštite</p> <p>-Služba civilne zaštite</p>	<p>-po planovima izvođenja vježbi evakuacije u ustanovama predškolskog odgoja</p> <p>-po planovima izvođenja vježbi evakuacije u JU osnovnog i srednjeg obrazovanja</p> <p>-kontinuirano</p>	<p>-Budžet Grada Tuzle</p>	<p>Učesnici: Profesionalna vatrogasna jedinica Tuzla, službe zaštite i spašavanja Grada Tuzle, Uprava policije MUP-a TK, ustanove predškolskog odgoja</p> <p>Učesnici: Profesionalna vatrogasna jedinica Tuzla, službe zaštite i spašavanja Grada Tuzle, Uprava policije MUP-a TK, JU osnovnog i srednjeg obrazovanja</p>	

<b>Aktivnosti</b>	<b>Nosioci</b>	<b>Vremenski rok</b>	<b>Finansiranje</b>	<b>Mogući izvori sredstava</b>	<b>Napomena</b>
<b>1</b>	<b>2</b>	<b>3</b>	<b>4</b>	<b>5</b>	<b>6</b>
-štampanje propagandnog materijala,  -obuka putem medija.	-Služba civilne zaštite  -Služba civilne zaštite, Služba za informisanje formirana u JP RTV7 d.o.o. Tuzla	-kontinuirano  -kontinuirano	-Budžet Grada Tuzle  -Budžet Grada Tuzle		